

## REGLUGERÐ

um stofnkostnað skv. lögum um málefni fatlaðra nr. 41/1983.

### I. KAFLI

#### Gildissvið.

##### 1. gr.

Ákvæði reglugerðar þessarar gilda um stofnkostnað skv. 2.—14. tl. 7. gr., sbr. og 2. mgr. 34. gr. laga nr. 41/1983 um málefni fatlaðra.

### II. KAFLI

#### Áætlanagerð svæðisstjórna.

##### 2. gr.

Svæðisstjórnir um málefni fatlaðra safna upplýsingum og kanna þörf fyrir sérstaka þjónustu vegna fatlaðra hver á sínu svæði og einnig um það hvernig veita megi fötludum þjónustu á almennum stofnunum skv. 6. gr. laga nr. 41/1983 um málefni fatlaðra.

##### 3. gr.

Á grundvelli upplýsinga og könnunar skv. 2. gr., skulu svæðisstjórnir gera tillögu að heildaráætlun um uppbyggingu á þjónustu og stofnunum fyrir fatlaða í udmæmum sínum og staðsetningu þeirra. Tillögugerð þessi og könnun tekur einnig til framkvæmdaáforma félaga fatlaðra og sveitarfélaga á viðkomandi svæði.

Kostnaður við gerð þeirra áætlana sem hér um ræðir, skal greiddur úr Framkvæmda-sjóði fatlaðra, enda hafi stjórnarnefnd um málefni fatlaðra fyrirfram samþykkt að greiða kostnað við áætlanagerðina.

Svæðisstjórnir skulu hafa samráð við skipulagsyfirvöld og landshlutasamtök sveitarfélaga í udmæmum sínum við áætlanagerðina.

##### 4. gr.

Tillögur svæðisstjórnar, skv. 3. gr., skulu byggðar á áætlun um stofnkostnað einstakra framkvæmda miðað við verðlag á ákveðnum tíma.

Til stofnkostnaðar skal m. a. telja kostnað vegna áætlanagerðar og kannana, hönnunar-kostnað, lóða- og tengigjöld svo og nauðsynlegan búnað og tæki til rekstrar stofnunar.

Með tillögum svæðisstjórnar, skv. 3. gr., skal fylgja greinargerð um þá kosti, er til greina komu við lausn þeirra þarfa, sem framkvæmdunum er ætlað að fullnægja.

##### 5. gr.

Svæðisstjórnir skulu gera tillögur um forgangsroðun framkvæmda og áfangaskiptingu skv. heildaráætlun skv. 3. gr.

Tillögum svæðisstjórna skal fylgja greinargerð um starfshætti fyrirhugaðra stofnana og sundurliðuð áætlun um rekstrarkostnað.

## III. KAFLI

## Úrvinnsla ráðuneyta og stjórnarnefndar. Ákvarðanir ráðuneyta.

## 6. gr.

Áætlanir skv. 3.—5. gr. skulu svæðisstjórnir senda hlutaðeigandi ráðuneytum, félagsmálaráðuneyti, heilbrigðisráðuneyti og menntamálaráðuneyti, ásamt framkvæmdaáætlunum til 3ja ára. Áætlanir þessar skulu svæðisstjórnir endurskoða árlega. Afrit skulu send stjórnarnefnd og hlutaðeigandi landshlutasamtökum.

## 7. gr.

Ráðuneytin skulu árlega semja áætlanir til 3ja ára í senn um framkvæmdir hvert á sínu sviði á grundvelli áætlana svæðisstjórna skv. 6. gr.

Ráðuneytin senda áætlanir sínar, skv. 1. mgr., til stjórnarnefndar, en hún samhæfir áætlanir ráðuneytanna í samráði við félagsmálaráðuneytið og vinnur framkvæmdaáætlanir til 3ja ára í senn.

Stjórnarnefnd skal leita staðfestingar viðkomandi ráðherra á áætlunum sínum.

Áætlanir þessar skulu lagðar fyrir fjárlaga- og hagsýslustofnun og fjárveitinganefnd Alþingis til upplýsinga og kynningar svo og sendar svæðisstjórnnum.

## 8. gr.

Að fengnum tillögum svæðisstjórna skal stjórnarnefnd gera tillögur til hlutaðeigandi ráðherra um árleg framlög úr Framkvæmdasjóði fatlaðra til að koma á fót stofnunum skv. lögum um málefni fatlaðra. Tillögur stjórnarnefndar skulu vera í samræmi við 3ja ára framkvæmdaáætlanir um slíkar framkvæmdir og árlegt ráðstöfunarfé sjóðsins. Hlutaðeigandi ráðherrar skulu staðfesta tillögur stjórnarnefndar um úthlutun framlaga úr sjóðnum.

## IV. KAFLI

## Greiðsla stofnkostnaðar og eftirlit.

## 9. gr.

Um framkvæmdir ríkisins og sveitarfélaga, skv. lögum um málefni fatlaðra, fer skv. ákvæðum laga nr. 63/1970 um skipan opinberra framkvæmda.

## 10. gr.

Ef félög fatlaðra og sveitarfélög hyggjast koma á fót stofnunum fyrir fatlaða, stækka þær eða auka, fer um þær framkvæmdir skv. 7. og 11. gr. laga um málefni fatlaðra, enda séu þær í samræmi við framkvæmdaáætlanir skv. reglugerð þessari, sbr. 2. ml. 1. mgr. 3. gr.

## 11. gr.

Framlög úr Framkvæmdasjóði fatlaðra til félaga fatlaðra og sveitarfélaga skulu greidd þeim aðilum, sem fengið hafa starfs- og rekstrarleyfi vegna viðkomandi stofnunar. Greiðslur þessar skulu inntar af hendi skv. samningi við stjórnarnefnd. Í þeim samningi skal m. a. tilgreina kostnað, fjármögnun, framkvæmdahraða, tilhögun greiðslna og eignarhlut aðila. Þegar kostnaður skv. þeim samningi sem hér um ræðir er metinn skal hafa hliðsjón af ákvæðum laga nr. 63/1970. Samningur þessi skal sendur viðkomandi ráðuneyti sem hefur eftirlit með framkvæmd hans.

## 12. gr.

Sundurliðað kostnaðaryfirlit yfir framkvæmdir skv. 11. gr. skal senda stjórnarnefnd í lok hvers árs. Að framkvæmdum loknum skal senda stjórnarnefnd heildaryfirlit um kostnað staðfest af viðkomandi ráðuneyti.

## 13. gr.

Sveitarfélög greiða 15% stofnkostnaðar skv. 4. mgr. 26. gr. laga nr. 41/1983, sbr. og 2., 3., 4., 9., 10. og 14. tl. 7. gr., enda hafi fyrirfram verið gerður, að tilhlutan svæðisstjórnar, skriflegur samningur milli sveitarfélaga á svæðinu um innbyrðis skiptingu stofnkostnaðar og rekstrarkostnaðar, sbr. og 3. gr. reglugerðar þessarar.

Sveitarfélög greiða sinn hluta í kostnaði til starfsleyfishafa í samræmi við samning, sbr. 1. mgr.

## 14. gr.

Sé um að ræða byggingu stofnunar fyrir blandaða þjónustu, þar sem sveitarfélög taka aðeins þátt í stofnkostnaði vegna tiltekinna þjónustupáttar, skal við hönnun einstakra bygginga reikna greiðsluhlutfall sveitarfélaga.

## V. KAFLI

**Sameiginleg ákvæði.**

## 15. gr.

Stofnanir, sem ríkið kemur á fót, skv. lögum nr. 41/1983, eru eign ríkisins.

Sé um að ræða aðrar stofnanir en skv. 1. mgr. þessarar greinar, miðast eignarhlutfall ríkisins við framlög úr Framkvæmdasjóði.

Verði sjálfstæð starfsemi, sem kostuð hefur verið með framlögum úr Framkvæmdasjóði fatlaðra og frá sveitarfélögum, lögð niður eða tekin til annarrar starfsemi, skulu framlögin endurkræf ásamt vixilútlánsvöxtum á hverjum tíma.

Reglugerð þessi, sem sett er skv. lögum nr. 41/1983 um málefni fatlaðara og að höfðu samráði við heilbrigðis- og tryggingamálaráðherra og menntamálaráðherra varðandi þá þætti, sem undir þá eiga, öðlast gildi þegar í stað.

**Ákvæði til bráðabirgða.**

Um framkvæmdir, sem átt hafa sér stað eftir gildistöku laga nr. 47/1979 um aðstoð við þroskahefta, að hluta til af opinberu fé, skulu, að forgöngu stjórnarnefndar, gerðir sérstakir eignarskiptasamningar, er taki mið af framlögum hins opinbera.

*Félagsmálaráðuneytið, 18. júní 1986.*

**Alexander Stefánsson.**

*Hallgrímur Dalberg.*